

ব্যাংকিং প্রবিধি ও নীতি বিভাগ
বাংলাদেশ ব্যাংক
প্রধান কার্যালয়
ঢাকা।

বিআরপিডি সার্কুলার নং- ০৩

তারিখ :-----
জানুয়ারী ২৯, ২০১৫
মাঘ ১৬, ১৪২১

ব্যবস্থাপনা পরিচালক/প্রধান নির্বাহী
বাংলাদেশে কার্যরত সকল তফসিলী ব্যাংক।

প্রিয় মহোদয়,

উত্তরাঞ্চলের কৃষকদের বৃহত্তর স্বার্থে স্থাপিত হিমাগার প্রকল্পগুলির পুনর্বাসন প্রসংগে।

উত্তরাঞ্চলের কৃষকদের বৃহত্তর স্বার্থে স্থাপিত হিমাগার প্রকল্পগুলোর আর্থিক সঙ্কট বিবেচনায় ঋণগ্রহীতার আবেদন প্রাপ্তি সাপেক্ষে প্রতিটি কেসের গুণাগুণ বিবেচনায় নিয়ে ব্যাংকার-কাস্টমার সম্পর্কের ভিত্তিতে নিম্নোক্ত সুবিধা প্রদান করা যেতে পারেঃ

১. হিমাগার প্রকল্পগুলোর অনিয়মিত ঋণ Block Account -এ স্থানান্তর, মরেটরিয়াম সুবিধা প্রদান ও নমনীয় পরিশোধ সূচী নিরূপণ করা যাবে। Block Account -এ স্থানান্তরিত ঋণের জন্য ০১ (এক) বছরের মরেটরিয়াম সুবিধা প্রদান এবং ষান্মাষিক কিস্তিতে আদায়যোগ্য ধরে প্রকল্প ঋণের জন্য সর্বোচ্চ ০৮ (আট) বছর ও চলতি মূলধন ঋণ (প্লেজ ও হাইপোঃ) এর জন্য সর্বোচ্চ ৫ (পাঁচ) বছর পরিশোধ সময়কাল হিসেবে বিবেচনা করা যাবে।
২. Block Account -এ স্থানান্তরিত ঋণের উপর ১০ (দশ) শতাংশ অথবা Cost of fund হার এ দুয়ের মধ্যে যেটি কম সে হারে সুদ আদায়যোগ্য হবে।
৩. Block Account -এ স্থানান্তরিত ঋণের প্রযোজ্য ক্ষেত্রে অনারোপিত সুদ, স্থগিত সুদ খাতে রক্ষিত সুদ (Interest Suspence A/C) ও দণ্ড সুদ মওকুফ (সম্পূর্ণ বা আংশিক) করা যাবে। এক্ষেত্রে মূল ঋণ এবং মামলা খরচ মওকুফ করা যাবে না।
৪. হিমাগার প্রকল্পগুলোর ঋণ পুনঃতফসিল ও নতুন ঋণ প্রাপ্তির ক্ষেত্রে প্রচলিত ডাউন পেমেন্ট শিথিল করার বিষয়টি পর্ষদ বিবেচনা করতে পারে। এক্ষেত্রে কেইস-টু-কেইস ভিত্তিতে বাংলাদেশ ব্যাংকের অনাপত্তি গ্রহণ করতে হবে।
৫. নির্ধারিত সময়ে ঋণ আদায় না হলে ঋণ শ্রেণীকরণ ও প্রভিশনিং এর প্রচলিত নিয়ম প্রযোজ্য হবে এবং ব্যাংক তার প্রচলিত নিয়মে ঋণ আদায় নিশ্চিত করবে।
৬. নতুন ঋণ প্রদানের ক্ষেত্রে জামানত ঘাটতি থাকলে গ্রাহক এর নিকট থেকে নতুন (fresh) জামানত গ্রহণ করতে হবে।
৭. যে সব হিমাগার প্রকল্পের বিরুদ্ধে মামলা রয়েছে সেগুলো সোলেনামার ভিত্তিতে নিষ্পত্তি করা যেতে পারে।
৮. হিমাগার প্রকল্পগুলোর যে সব ঋণ হিসাব পূর্বে পুনঃতফসিলকরণ হয়েছে সে সব ঋণ হিসাবের জন্যও এ সুবিধা প্রযোজ্য হবে।
৯. সার্কুলার জারীর ২ (দুই) মাসের মধ্যে ঋণ গ্রহীতাকে আর্থিক ক্ষয়-ক্ষতির প্রমাণাদি ও প্রাসঙ্গিক কাগজাদিসহ সংশ্লিষ্ট ব্যাংকে আবেদন করতে হবে। প্রকল্পগুলোর সার্বিক অবস্থা এবং বকেয়া ঋণ আদায়ের ব্যাপারে সংশ্লিষ্ট ব্যাংকের সন্তুষ্টি সাপেক্ষে এ সুবিধাদি প্রযোজ্য হবে।

এ সার্কুলার অবিলম্বে কার্যকর হবে।

আপনাদের বিশ্বস্ত,

(চৌধুরী মোঃ ফিরোজ বিন আলম)
মহাব্যবস্থাপক
ফোন: ৯৫৩০২৫২।